



ᓄᓇᓅᓴᑦ ᐅᓴᓴᓄᓴᑦ ᐱᓱᓴᓴᓄᓴᑦ ᓴᓱᓴᓴᓴᑦ ᓄᓱᓴᓴᓴᑦ

UTILITY RATES REVIEW COUNCIL OF NUNAVUT

IGLUIN AULATJUTITIGUN AKITUTILAANGINNUT KATIMAYIIT NUNAVUNMI

CONSEIL D'EXAMEN DES TAUX DES ENTREPRISES DE SERVICES DU NUNAVUT

2021

UKIUQ TAMAAT UNNIUDJUTIT

IGLUIN AULADJUTITIGUN AKITUTILAANGINNUT

KATIMAJIIT

NUNAVUNMI



# **IGLUIN AULADJUTITIGUN AKITUTILAANGINNUT KATIMAJIIT NUNAVUNMI**

## **UKIUQ TAMAAT UNNIUDJUTIT**

**Nungunianun ukiup Ubluiqtirvia 31, 2021**

Igluin Auladjutitigun Akitutilaanginnut Katimayit Nunavunmi 2021 Ukiuq Tamaat  
Unniudjutit

Makpirnia 2



Qiqaijalirvia 31, 2022

Nan'ngarijaujuq PJ Akeeagok  
Minista Munaqhijuuq hapkuninga  
Igluin Auladjutitigun Akitutilaanginnut Katimajiit  
Nunavunmi

Halu Hivuliqti,

Nan'ngaruhuktunga tunilugu Ukiuq Tamaat Uniudjutait hapkua Igluin  
Auladjutitigun Akitutilaanginnut Katimajiit Nunavunmi ukiup nungunianun  
Ubluiqtirvia 31, 2021.

Pittiaqtumik tunijaa,



Anthony Rose  
Ikhivautalik, Igluin Auladjutitigun Akitutilaanginnut Katimajiit

Igluin Auladjutitigun Akitutilaanginnut Katimayit Nunavunmi 2021 Ukiuq Tamaat  
Unniudjutit

Nunavunmi

## Igluin Auladjutitigun Akitutillaanginnut Katimijiit Nunavunmi

### 1. PITQUJAUJUT

Una Iglut *Auladjutitigun Akitutillaanginnut Katimijiit Maligaq*, piliurhimajuq upinngakhami 2001, aallanguqtirutiqarhunilu aujami 2010mi, akhuurninnga tunijaa URRC-kunnut pipkaidjutigiami uqaudjiutiniqmik Ministanut akikhanganut taaksiliqininnganiklu atukkiqtaujukhaq tikkuaqtauhimajunit pauwatuutingit aallatlu ihumaalutigijajut apirhiqtaujut ministamit Munaqhijuj hapkuninga URRCkunnik. (Ihivigiuqtut Katimijiit).

Maligami, tikkuaqtauhimajuq pauwatit naunaijarhimajuq *imaatut; uumaqutikkut atlatqiinikluuniit uumaqutingit tikkuaqtauhimajut maligakhami:*

Ilaqqaqtuqlu imaatun, kitulligaak tunijuj hunavalungnik ikajuutiniklu inungnun:

*(a) Kuapaliisit nanminirijajujq munarijajujquuniit Nunavut Kavamatkunnit, talvuuna una Maligaq pijujq maligaliurhimajumit maligaqmilluuniit piliurhimajuq titiraqhimajumi 20(1)(a):*

Igluin Auladjutitigun Akitutillaanginnut Katimayiit Nunavunmi 2021 Ukiuj Tamaat  
Unniudjutit

*(b) havagvinga titiqiqivungaluuniit Nunavut Kavamaup talvuunga una Maligaq pijuq maligaliqinikkut maligaliurniqmuluuniit piliurhimajuq titiraqhimajumi 20(1)(a):*

*(c) inuk timiqutigijaujuqluuniit naunaiqhimanngittuq titiraqhimajumi (a) uumaniluuniit (b) talvuuna una Maligaq pijuq Maligaq maligaliurhimajumit maligaqmilluuniit piliurhimajuq titiraqhimajumi 20(1)(a).*

Qulliq Alrujaqtuqtunik Ikummadjutit akhuurutaukmat Nunavunmi Qulliliqijikkut, Tikkuqaqtauhimajukhat Auladjuutinginnut, piinarialik URRC-mut ukunuuna *Igluin Auladjutitigun Akitutillaanginnut Katimajiit Maligaq.*



### **3. TIMIQUTIGIAUJUT**

Ihivriurningit Katimajiingit piquaqut tallimanik tikkuqaqtauhimajut katimajiujut pingahunik ukiunik. Minista munaqhijuuq hapkuninga URRCKunik tikuaqhijuuq ilaujukkanik hapkununga Ihivriuqhijut Katimajiinun tikuaqhilunilu attauhirmik ilaujukkanik ukununga ihivriuqhijut katimajiit ivhivautalikhamik attauhiqlu tugliq ikhivautalikhaq.

Talvanga Ubluiqirvia 31, 2021, hapkua URRCKunun ilaujut:

Anthony Rose	Ikhivautalik
Graham Lock	Ikhivautaliup-tuglia
Robbin Sinclair	Katimaji
Nadia Ciccone	Katimaji
Bill Williams	Katimaji

Tikuarutaik ukuak Anthony Rose unalu Nadia Ciccone kiklighaa uvani 2022mi. Uvani 2021, Bill Williams tikuaqtauhimajuuq inuqaliriangani inuqangituuq. Unalu Robbin Sinclair tikuaqtauffaaqtuuq ilaujughaq. Titiraqhimajumi uvani 3 (6) taffumani URRC Maligarni, katimajingit taffumani Ihivriurningit Katimajiingit pihimaniaqtaait ilaudjutitik tikkuqaqtauffarumik, nutaaq ilaujuq tikuaqtaugumi, taimaarumiluuniin . Mr. Lock's tikuarutaa kiklighaaqtuuq hamunga 2021mun unalu Mr. Rose uvani Iidjirurvia 2022.

#### Katimajiullaktut

Ministaat URRCKkut, pitqujaugumi Katimajiinut, tikkuqaqhittaaqtuuq, ilagivlugit katimajiinut tikkuqaqtauhimajunut ataani. Titiraqhimajuuq ilangani 3 (1) uumani URRC Maligaq, amigaitqijaungittunik malruknik katimajiullaktukkanik Ihivriurningit Katimajiit pidjutikhaanut ihuaqhailutik pidjutigijamut ukununga Ihivriurningit Katimajiit

Igluin Auladjutitigun Akitutilaanginnut Katimayiit Nunavunmi 2021 Ukiuq Tamaat  
Unniudjutit



naunaikhittaaqtut pijakhait havaarijakhaillu katimajiullaktut. Katimajiullaktut ilaungitut uumani maniliqinikkut ukiungani.

### Atanngujalluaq

Ataani Ilangani 3 (9), Ihivriuqtiit Katimajiit tikkuuqtaaqut tukimuaqtighamik ihuarhaqtaaqtaillu hivitunighait hulidjutighaillu tikkuuqtaunirmi. Havaghait atanngujalluaq ataani umani 3 (10), atanngujalluaq piniaqtuq (a) tutquumajakhait qanuriliurutainik tamainik Ihivriuqtiit Katimajiit tighimakturiklu tamainik Ihivriuqtiit Katimajiit tutquumajainik titirautainiklu; unalu (b) havaklutiklu havaqujainik allanik Ihivriuqtiit Katimajiit.

### Qaujihaljit

Titiraqhimajumi uvani 8 (1) (b) taffumani URRC Maligarni, 2018mi, URRCKut ilauliqutut angiqatigiplugit Alberta Utilities Commission ihivriuqhijutikhainik imaalu piliurutikhainiklu ikajuutikhanik pidjutiqaqtunik URRCKunut. Ukua Alberta Utilities Commission tikuaqtaat Mr. Wade Vienneau tunihijukhaq ikajuutikhanik tamainun uuktuutinun pijaujunun.

Titiraqhimajumi 8 (1) (b) haffumani URRC Maligaani, ukua URRC pihimajaat Mr. John Donihee Maligaliqinikkut katimaji. Mr. Donihee URRCKunnunngaqtuq hivitujumik ilihimangmat ajuinmallu aulapkainikkut maligaliqiniqmut unalu maligaliqiniqmut katimadjutit. Ukua URRCKut pijariaqangitut kivgaqtungnirmik ikituni ukiuni. Pijariaqangituuq .

#### 4. MANIIT ATURUTIKHAINNIK

Uvani 2021mi hapkua Ihivriurnikkut Katimajiit auladjutait imaalu ihuaqhainikkut manikhait imaa \$341,000 aadjiliurutigiblugu \$475,000 kingulirnir ukiuni.

2021 Igluin Auladjutitigun Akitutillaanginnut Katimajiit Ihuaqhainirmun Malikhatt		
<b>Akiliqtugaq Huna</b>		Itqungniarutiluat
Havagaaninaqtut Akiliuhiakhait		\$192,000
Havakaffuktut Akiliuhiakhait		\$52,000
Tingmidjutikhanut Aullarutikhainullu		\$20,000
Atuqtakhanut Tamajanullu		\$5,000
Niuviktauhimajut Pivikhaqautikhat		\$5,000
Katulaatigut Kivgaqtuutit		\$50,000
Akiligakhanut Akiliutinunlu		\$10,000
Takughaujut Akiligahat		\$5,000
Qaritaujat Tamajait Qaritaujaliqutillu		\$3,000
Aalat Akiligahat		\$97,000
<b>ATAUTIMUN</b>	<b>Auladjutit</b>	<b>\$341,000</b>
<b>Ihuaqhaidjutillu</b>		

Una anginihakkut pidjutigiliqtaat Kavamatkut Nunavunmi qanuriniitigut aktillaangit qalagjuarnirmun COVID-19 aanniarut nunaqjuami. Tapkua aktilaarutit ilaujut

Igluin Auladjutitigun Akitutillaanginnut Katimayit Nunavunmi 2021 Ukiuq Tamaat Unniudjutit



taimaaqtilaklugit inungnun upautijunun Katimajiit katimadjutainunlu taimaaqtirutit  
upautijunun ilihaidjutit ukualu ajuitiaqhimajut pivallianirmun hulidjutit.

Igluin Auladjutitigun Akitutillaanginnut Katimayit Nunavunmi 2021 Ukiuq Tamaat  
Unniudjutit

## 5. NAITTUT HAPKUA 2021 PITQUYAUJUT:

Hapku pitqujaujut piliuqhimayut pittiaqnikkut akitutlaangit mikhaanun hapkununga iliugaqvikhanun:

Ataani Titiraqhimajup 13. (1) Maligami imaatun titirarhimajut: Ihivriungnikkut Katimajiita, unniutiughat munarijaqaqtumun Ministamun pitqujaujumut imaa:

- a) ajurhautinga pitqujaujuq akinga pipkaidjutigijakhaugaluq,
- b) ajurnaut uuktuutigijaujumun akikhanik akiliqtaujukhanikluunniit pipkaqtaujukhaunggittuq, imaaluunniit
- c) aalamik akikhanik akiliqtaujukhanikluunniit naunaiqhimajaat Ihivriungnikkut Katimajiita pijaujukhaq.

### Uniudjutit 2021-01 Urhuqjuatigut Akiliqtuutighanun Aulavighaat (FSR) nungunianun Apitilirvia 2021

- Malikhugit ukuat qulaani URRRC-kut pitquiyut urhuryuakkut utiqtiffaarutikkut ikayuutikhaq imaatut 1.29 cents atauhirmi KWh angiqtauyukhaq QEC-kunnun, hivitunirmi Qitiqqautiyuq 1, 2021-min uvunga Apitilirvia 30, 2021mun.

### Uniudjutit 2021-02 Pauwaqarviit MPP

Uvani Qiqajjalirvia 3, 2021, QECkut uuktuqtut munaqhimun Ministamun angirutighaanik akitujut havaaghatigut laisianik nutaamik pauwaqavighamik nunallaani Iqaluktuuttiaq, Urhuqtuuq, Igloolik himautighaanik ingniqutit (genset) Iqaluit pauwaqavianun (una Uuktuutit). Uvani Qiqajjalirvia 12, 2021, tamna Ministaujuq apirhuijuq uqaudjinirmik URRCKunin pidjutigiblugit Uuktuutit. Ukua URRCKut ihumaliurutigijait hapkua pidjutaujut titiraqhimajut uvani uniudjutini hamma:

Igluin Auladjutitigun Akitutlaanginnut Katimayiit Nunavunmi 2021 Ukiuq Tamaat  
Unniudjutit



- Ihumagijaujut akiit kinguani tunijauniitigut avatqutut tughiqtaujujut akiit Iqaluktuuttiami imaa \$50.237 milliataala avatqumajumik 25 pusat, tapkua QECKut upalungaijailutik tujuqlugillu nutaat MPPA haffumunga Ministamun munaqhijumun QECKunik.
- Ihumagijaujut akiit kinguani tunijauniitigut avatqutut tughiqtaujujut akiit Uqhuqtuumi imaa \$36.274 milliataala avatqumajumik 25 pusat, tapkua QECKut upalungaijailutik tujuqlugillu nutaat MPPA haffumunga Ministamun munaqhijumun QECKunun.
- Ihumagijaujut akiit kinguani tunijauniitigut avatqutut tughiqtaujujut akiit Igloolingmi imaa \$35.745 million avatqumajumik 25 pusat, tapkua QECKut upalungaijailutik tujuqlugillu nutaat MPPA haffumunga Ministamun munaqhijumun QECKunun.
- Ihumagijaujut akiit kinguani tunijauniitigut avatqutut tughiqtaujujut akiit Iqalungni imaa \$8.415 milliataala avatqumajumik 25 pusat, tapkua QECKut upalungaijailutik tujuqlugillu nutaat MPPA haffumunga Ministamun munaqhijumun QECKunun.
- Tapkua QECKut pihimajait hanajit ajuitiaqhijumut nunamingni nunatigut, qanuriniatik hilakullu qanuriniit atuqhugit idjuhighait qanuriniit tapkua ihuangnikkut uniudjutauyut tungavighait hungirnirmunlu paqitaujujut atuqtaujujut pauwaqavingni atuffaangitaangini nutaanun pauwaqavingnun (uuktuutigilugu Iqaluktuutiaq, Urhuqtuuq Iglooliklu).
- Qayaginirni taapkuapiani akiinni nappaqtiqirni havaktaujughami ihivriqtaujujghat talvani havaktaujughaq tukhiqtauningani ilaujujghat uvani akitutlaanginni tunngaviani.

Igluin Auladjutitigun Akitutlaanginnut Katimayit Nunavunmi 2021 Ukiuq Tamaat  
Unniudjutit

- Talvanga, atuliqtilugu uuktuut akiitigut uuktuutaa (GRA) ,QEckut tunihilutik naunaijautinik unguvaqtirutainun piqutit, ilaujut hitamat akitujut havaaghanun laisinun uuktuutit (MPPA), tapkua tuqtaujungniaqtut uvalu pijariaqaqtut atuqtaulutik (uuktuutigilugu, ingniqutit tamajallu). Una ilaujughaq havagaaqpangnikkut havaguirutit piqutait ilaulukku ihuaqhalugit halumaqhinirmun-akiit.

*Pitqujaujut*

- Tapkua QECkut tunihilutik kangiqhidjutinik hapkununga URRCKunun naunaijataqhimajunik upalungaijautinik, akiinik qanuriniillu halumaqhinirmun atuqtaujunik pauwaqarvingnun, ihivriurutit ilituqhaidjutit kinguani manijautit najugaini tapkua ihuangitut igluqpaktigut ajuqhautit unguvaqtaugumik kivgaqtuutait, qujaginaqlu upalungaijautit atuffaalnirit/atuqpalaarnirit ingniqutit qaijuni GRA.
- Tapkua hivungani MPPAnun uuktuutit tunihilutik ihivriurutinik aalanun aturimanaqtut upautidjutit/pijaghat himauhiqhimaitumik himauhiqlugiluuniin (hungiqhimajut pijaungilutik ihuaqatalu tadjahivungani piumajaujut). Uuktuutigilugu, hivungani pauwaqavighatigut uuktuutit pihimalugit hivitunikkut ihumagilugit tunihijughat ihuaqtumik uaputidjutinik ihariahungnikkut aalanguniamata.
- Tapkua QECkut pilimaitpata manikhanik hapkunanga AEFkut pinahuarutainin uqaqhimajuq qujaginaq Uuktuutini una IR kiudjutait, tamna Minista pitqulugit kuapaliisit upalungaijailutik tujuqlugillu nutaat MPPA angirutighaanik maniktalimainirmun ihumagijauluni anginikkut aalangunig.
- QEC-kut uqaujijut Ministajumik pijutaujunik maniliqinikut havaarijajumik akitunigani aalaganiginik talvani AEF-mi havaami (ila, akitunikhaa avatquutpat havaami, una avatqujutaujuq ilaulaaqa AEF-mit manikhakhanik uvaluniit akiliqtauniaqa QEC-kunit taimainiqat pijuavagiagani kivgaqtuqtaujunit akituniginik akiliqtuqtainit?).
- Tapkua kangiqhidjutit mighaanun AEF maniit atuqtaujut, tughiqtaujut/uuktuqtaujut, upalungaijautillu havaaghanun atuqlugit ilakkut mangit ilaulutik QECkut kuapaliisit

Igluin Auladjutitigun Akitutilaanginnut Katimayit Nunavunmi 2021 Ukiuq Tamaat  
Unniudjutit



hanaqidjutinun upalungaijautit havauhiit piinariaaqilugit Ministamun Munaqhijumun unalu qaijuq GRA..

- Tapkua QECKut pijaalutik atautikkut upalungaijautit havaklugillu hitamat angijut havaaghat ihivriutaujut ilikkut pingahuujuq turaaqhimajut naunaijainirmun mighijuumirnimunlu kitut hakugingniqangit/qajangnautiluuniin.
- Tapkua QECKut ilituripkalugu Minista upalungaijautitigut kiklighaillu ihuaqhijuumirutighat himauhiqtughaujulluuniin pauwaqaviit ilangit nunallaat pauwaqaviit avatqumajumik 40nik ukiunik pijaangini aularutighait pijaghat ihuaqtumik havaktaujaangini. Una kangiqhidjut tunijaujughaugaluaq qaijumi GRAkut tuhagahanun kangiqhidjutinun pihimajut tapkua pauwaqaviit ihivriurutainun.

Ilihimalugu hunaliqak hapkunani Uniudjutini pimarlungnikkut pihimalugit ukua URRCKut ihumagilugit qujaginaq aalat pidjutaijut pidjutigiblugit QECKut.

### **KANADAMIUTAT KATIMAJIIT ILAUJUT UUMAQUTIKKUT IHUARHAJIIT QABLUNAATITUT NAITTUMIK (CAMPUT) UVALU ILIHAQNIKKUT**

Kanatamiutat Katimajiit Ilaulut Uumaqutikkut Ihuarhajiit Qablunaatitut Naittumik (CAMPUT) Kanadap Auladjutinun ukualu Pauwakkut Aullapkaijit. Inmikkut-ikajuqtut, maniliungitut katimajiit Kanadami, aviktungniini, aviktuqhimajunilu aulapkaijit katimajiit katimaqjuaqtillu. Hapkuat katimajiit, havagviuvaktullu munaqhijut maligainun alrujaqtuutikkut, imakkut, kasiliikkut, turhuatigullu alrujaqtuutit avatiini Kanadap. Ilangit CAMPUT ilaulut munaqhijut maligahanik pidjutajunun aghaluutit qilanaijautainik.

URRCKut aulahimaaqtait havaqatigiblugit hapkua CAMPUT. Ilaulut CAMPUTmun piluqhimajut tamainik pingahut katimajiit ukualu katimajiit qulinin aviktungniinin

Igluin Auladjutitigun Akitutlaanginnut Katimayiit Nunavunmi 2021 Ukiuq Tamaat  
Unniudjutit

pingahullu aviktuqhimajut. Ilaujuqlu una National Energy Board amigaitullu apirhuijunun katimajuut ilaujut hapkununga CAMPUTmun.

CAMPUTkut katimaqjuarutait, ukiutigut katimadjutit(AGM) ukualu ilihaidjutinun hulidjutit tunihijut ikajuutighanik piaghanik ilaujunun hapkununga URRCKunun kangiqhipkaqtauhimajaamingni nutaanun anginirhakkut piumajaujut auladjutikkut maligani.

URRCKunun ilaujut ilauhimmaakpaktut katimajunut CAMPUTkut Ilihautikhainut ukualu Maligatigut Pidjutinun Katimajiit. Ilaujuq Katimajiit aulahimaaqtumik ilihaiqtitijut, ukua URRCK kivgaqtuqtaujut uvani CAMPUT ukiuq tamaat maligatigut pidjutaunun tikitkaangat Ubluqtuhivia, Nunaqjuami katimaqjuarutit katimajut uvani Qiqaijarluarviani aviktungniini aviktuqhimajuniluuniin, ukualu CAMPUT ukiuq tamaat katimadjutaini. Tamaita katimadjutit uvani 2021 unгахiktukuuqhutik haffumuuna Zoomtigut.

CAMPUT katimadjutit atautimuktitijut ilauyunun katimajiit tamaini Kanatami uqautigiblugu hulidjutit uvalu ajuqhautit tapkua hulaqtijut maligaqaqtut nunallaat.

## **6. QINIRNIQ HIVUMUT 2022mun**

Hivumut qiniqhuni hamunga 2022mun, ukua URRCKkut aulahimaaqtumik ihivriuqlugit havaklugillu pitquidjutit pidjutigiblugit uuktuutit pijaujut Ministamin munahijumik Qulliq Alryaqtuqtunik Ikumadjutiit. Uvani Ubluiqtirvia 23, 2021, ukua URRCKkut pijait malruk uuktuutik himauhiqtuutighak ingniqutainun pauwaqaviit. Nunallaanun pihimajut Igluligaarjungmi unalu Kugaaruk. Ukua URRCKkut Uniudjutit tamangnun uuktuutit pijaujughak uvani Imaruqtirvia 2022mi. QECKkut tujungniaqtait akiitigut uuktuutit (GRA)

Igluin Auladjutitigun Akitutillaanginnut Katimayit Nunavunmi 2021 Ukiuq Tamaat  
Unniudjutit

uvani Qitiqqautiyuq 2022. Ukua URRCKut piqaniaqtut 150ni ubluni uniudjutigilugit GRAtigut paqitatik.

**PITJUTIGIPLUGIT IGLUIN AULATJUTITTIGUN AKITUTILAANGINNUN  
KATIMAJIIT NUNAVUNMI**



---

**UBLUANNI Qiqaiyalirvia 31, 2022**  
**Anthony Rose, Ikhivautalik**